



Broj: 310/25

Datum: 24.02.2025. godine

Na osnovu člana 64. stav (1) tačka b), člana 70. stav (1), (2), (3) i (6) Zakona o javnim nabavkama Bosne i Hercegovine („Službeni Glasnik BiH“ br. 39/14, 59/22 i 50/24), Statuta JP „LOKOM“ d.o.o. Sarajevo (Službene novine KS br. 15/13, 47/14, 29/18, 3/22, 20/23 i 28/24), Pravilnika o javnim nabavkama roba, usluga i radova br. 2448/22 od 30.12.2022. godine i br. 481/23 od 17.03.2023. godine, preporuke Komisije za provođenje postupka javne nabavke utvrđene u Zapisniku o pregledu i ocjeni ponuda broj: 309/25 od 24.02.2025. godine, direktor JP „LOKOM“ d.o.o. Sarajevo, **d o n o s i**

O D L U K U **O IZBORU NAJPOVOLJNIJEG PONUĐAČA**

Član 1.

Prihvata se preporuka Komisije za provođenje postupka javne nabavke i okvirni sporazum za nabavku prehrambenih i drugih proizvoda za ugostiteljstvo igraonicu i trafiku – **LOT 1 - Nabavka prehrambenih i drugih proizvoda za potrebe službe ugostiteljstva**, na period od jedne godine, dodjeljuje se ponuđaču: Gold Mignon d.o.o. Sarajevo sa sjedištem u Sarajevu, Olimpijska bb, 71000 Sarajevo sa cijenom ponude u iznosu od 230.700,00 KM bez PDV-a, odnosno 269.919,00 KM sa PDV-om.

Član 2.

Izabrani ponuđač se oslobađa naknadnog dostavljanja dokaza iz člana 45. stav (2) Zakona o javnim nabavkama obzirom da su iste dostavljene uz ponudu u skladu sa zahtjevima iz tenderske dokumentacije.

Član 3.

Ova Odluka će se uputiti svim ponuđačima koji su učestvovali u postupku javne nabavke i objavit će se na internet stranici ugovornog organa u skladu sa članom 70. stav (6) i članom 71. Zakona o javnim nabavkama BiH.

Član 4.

Protiv ove Odluke dozvoljena je žalba u roku od 10 (deset) dana od dana prijema iste.

O b r a z l o Ź e n j e

Postupak za javnu nabavku prehrambenih i drugih proizvoda za ugostiteljstvo igraonicu i trafiku, putem otvorenog postupka, pokrenut je Posebnom odlukom o pokretanju postupka javne nabavke br. 2659/24 od 30.12.2024. godine.

Shodno članu 16. Zakona o javnim nabavkama predmetni postupak javne nabavke je podijeljen na lotove, odnosno na 2 (dva) lota, na način da se ponuđačima omogućava da dostave ponude za jedan lot ili više lotova ili sve lotove, i to kako slijedi: LOT 1 – Nabavka prehrambenih i drugih proizvoda za potrebe službe ugostiteljstva i LOT 2 – Nabavka prehrambenih i drugih proizvoda za objekte dječija igraonica i trafika. Ukupna procijenjena vrijednost javne nabavke iznosi 340.765,15 KM bez PDV-a. Procijenjena vrijednost javne nabavke za LOT 1 iznosi 303.553,15 KM bez PDV-a. Za ovaj postupak javne nabavke predviđeno je zaključenje okvirnog sporazuma na period od 1 (jedne) godine. Kriterij za dodjelu ugovora je najniža cijena. Za navedeni postupak javne nabavke predviđena je primjena e-Aukcije, u skladu sa odredbama Pravilnika o uslovima i načinu korištenja e-Aukcije („Službeni glasnik BiH“, br. 80/23).

Komisija za provođenje postupka javne nabavke imenovana je Rješenjem broj: 2660/24 od 30.12.2024. godine.

Obavještenje o nabavci i tenderska dokumentacija su objavljeni na Portalu javnih nabavki dana 31.12.2024. u 11:37 sati pod brojem: 269-1-1-167-3-94/24, a sažetak Obavještenja o nabavci objavljen je u „Službenom glasniku BiH – Oglasnik javne nabavke“ br. 1/25 dana: 10.01.2025. godina. Ispravka



obavještenja o nabavci 269-1-1-167-8-2/25 objavljena dana 10.01.2025. godine u 13:06 sati, br. 269-1-1-167-8-4/25 objavljena dana 13.01.2025. godine u 16:22 sati, br. 269-1-1-167-8-6/25 objavljena dana 20.01.2025. godine u 15:44 sati, br. 269-1-1-167-8-41/25 objavljena dana 23.01.2025. godine u 16:06 sati. U „Službenom glasniku BiH“ broj: 3/25 objavljeno dana: 17.01.2025. godina i broj: 5/25 objavljeno dana: 31.01.2025. godina.

Iz Izvještaja o pitanjima i odgovorima u vezi sa tenderskom dokumentacijom, preuzetog sa Portala javnih nabavki, vidljivo je da, u periodu koji je ostavljen za dostavljanje ponuda, bilo je postavljenih pitanja vezano za pojašnjenje tenderske dokumentacije. Ugovorni organ je pravovremeno, a u skladu sa članom 56. Zakona o javnim nabavkama, dao odgovore na ista, koji su bili dostupni svim zainteresovanim ponuđačima koji su preuzeli tendersku dokumentaciju predmetnog postupka u sistemu e-nabavke.

Prema Izvještaju o preuzimanju tenderske dokumentacije od strane ponuđača tendersku dokumentaciju, sa Portala javnih nabavki, je preuzelo 14 (četnaest) potencijalnih ponuđača, a posljednju ispravku tenderske dokumentacije, sa Portala javnih nabavki, je preuzelo 8 (osam) potencijalnih ponuđača zaključno sa krajnjim datumom za preuzimanje tenderske dokumentacije.

U određenom krajnjem roku za dostavu ponuda (05.02.2025. godine do 10:00 sati) blagovremeno su dostavljene 4 (četiri) ponude, i to ponude ponuđača: 1. „LALA I LAČO“ d.o.o. Bijeljina sa sjedištem u Bijeljini na adresi 1. Maja broj 14, 76300 Bijeljina, BiH, koja je zaprimljena kod ugovornog organa pod brojem protokola 59/25 dana 04.02.2025. godine u 12:58 sati. 2. Penny plus d.o.o. Sarajevo sa sjedištem u Sarajevu na adresi Igmanska b.b., 71320 Vogošća, BiH, koja je zaprimljena kod ugovornog organa pod brojem protokola 63/25 dana 05.02.2025. godine u 08:50 sati. 3. VEGA-PAK d.o.o. Sarajevo sa sjedištem u Sarajevu na adresi Mostarska br. 3, 71240 Hadžići, BiH, koja je zaprimljena kod ugovornog organa pod brojem protokola 64/25 dana 05.02.2025. godine u 09:07 sati. 4. Gold Mignon d.o.o. Sarajevo sa sjedištem u Sarajevu na adresi Olimpijska bb, 71000 Sarajevo, BiH, koja je zaprimljena kod ugovornog organa pod brojem protokola 65/25 dana 05.02.2025. godine u 09:37 sati.

Komisija za provođenje postupka javne nabavke je istog dana 05.02.2025. godine, u sjedištu ugovornog organa JP „LOKOM“ d.o.o. Sarajevo, Halilovići br. 45, 71000 Sarajevo, sa početkom u 10:30 časova pristupila javnom otvaranju pristiglih ponuda i sačinila Zapisnik o otvaranju ponuda koji je uz Zapisnik o zaprimanju ponuda isti dan prosljeđen ponuđačima koji su učestvovali u predmetnom postupku javne nabavke u skladu sa tačkom 5.13. predmetne tenderske dokumentacije, koja reguliše način komunikacije između ugovornog organa i ponuđača. Na javnom otvaranju ponuda nije bilo prisutnih predstavnika ponuđača.

Zapisnikom o otvaranju ponuda konstatovano je da su ponude uredno zatvorene, te da su ponuđene cijene, kako slijedi: 1. „LALA I LAČO“ d.o.o. Bijeljina u iznosu od 302.592,70 KM bez PDV-a; 2. Penny plus d.o.o. Sarajevo u iznosu od 292.773,16 KM bez PDV-a; 3. VEGA-PAK d.o.o. Sarajevo u iznosu od 299.135,00 KM bez PDV-a; 4. Gold Mignon d.o.o. Sarajevo u iznosu od 298.079,20 KM bez PDV-a.

Nakon javnog otvaranja ponuda Komisija za javne nabavke je pristupila pregledu i ocjeni ponuda, te o tome sačinila Zapisnik o pregledu i ocjeni ponuda u kojem je utvrđeno sljedeće:

- da su blagovremeno zaprimljene 4 (četiri) ponude u određenom krajnjem roku za LOT 1, i to ponude ponuđača: „LALA I LAČO“ d.o.o. Bijeljina, Penny plus d.o.o. Sarajevo, VEGA-PAK d.o.o. Sarajevo i Gold Mignon d.o.o. Sarajevo;
- da nije bilo neblagovremenih ponuda;
- da su svi ponuđači istovremeno sa ponudom dostavili i uzorke tražene tenderskom dokumentacijom;
- da su svi ponuđači dostavili garanciju za ozbiljnost ponude na propisan način i u skladu sa zahtjevima iz tenderske dokumentacije;
- da ponuđači Penny plus“ d.o.o. Sarajevo i GOLD MIGNON d.o.o. nisu vršili ispravke u ponudama;
- da je ponuđač „LALA I LAČO“ d.o.o. Bijeljina na stranici br. 7. ponude, vršio ispravke u Obrascu sadržaja ponude (Aneks VII) i ispravke numeracije stranica ponude (od br. 31 do br.



34). Isti je postupio u skladu sa tačkom 4.2.12. tenderske dokumentacije i članom 18. stav (1) tačka m) Uputstva za pripremu modela tenderske dokumentacije i ponuda, te su ispravke u ponudi izvršene na način da su iste vidljive (ispravljeni podaci moraju jasno i nedvosmisleno vidljivi), potvrđene svojeručnim potpisom ponuđača, ovjereni pečatom ponuđača sa navođenjem datuma izvršenja ispravke.

- da je ponuđač VEGA-PAK d.o.o. Sarajevo na stranici br. 16 ponude, vršio ispravke u Obrascu za ponudu (Aneks I) i stranici 19. u Obrascu za cijenu ponude – robe (Aneks II). Isti je postupio u skladu sa tačkom 4.2.12. tenderske dokumentacije i članom 18. stav (1) tačka m) Uputstva za pripremu modela tenderske dokumentacije i ponuda, te su ispravke u ponudi izvršene na način da su iste vidljive (ispravljeni podaci moraju jasno i nedvosmisleno vidljivi), potvrđene svojeručnim potpisom ponuđača, ovjereni pečatom ponuđača sa navođenjem datuma izvršenja ispravke.
- da je u ponudi ponuđača Penny plus d.o.o. Sarajevo načinjena računska greška (permutacija) u Obrascu za cijenu ponude - Aneks II, i to u stavci pod rednim brojem 37. Paradajz pire pak. min. 1kg upisano je $800 \times 4,35 \text{ KM} = 4.380,00 \text{ KM}$, a treba da stoji 3.480,00 KM bez PDV-a. Navedena ispravka ne mijenja ukupan iznos ponude bez PDV-a. Dana 14.02.2025. godine Komisija ugovornog organa je ponuđaču Penny plus d.o.o. Sarajevo uputila Zahtjev za prihvatanje ispravke računске greške br. 226/25 od 14.02.2025. godine (zahtjev poslan ponuđaču putem e-maila, dana 14.02.2025. godine). Ponuđač Penny plus d.o.o. Sarajevo je u ostavljenom roku, i to dana 14.02.2025. godine u 16:08 sati, putem e-maila dostavio Saglasnost na ispravku računске greške br. 1402-01/2025 od 14.02.2025. godine.
- da je u ponudi ponuđača „LALA I LAČO“ d.o.o. Bijeljina načinjena računska greška ukupnog iznosa ponude u Obrascu za cijenu ponude – Aneks II, upisano je 302.592,70 KM bez PDV-a, a treba da stoji 302.592,65 KM bez PDV-a. Dana 14.02.2025. godine Komisija ugovornog organa je ponuđaču „LALA I LAČO“ d.o.o. Bijeljina uputila Zahtjev za prihvatanje ispravke računске greške br. 227/25 od 14.02.2025. godine (zahtjev poslan ponuđaču putem e-maila, dana 14.02.2025. godine). Ponuđač „LALA I LAČO“ d.o.o. Bijeljina je u ostavljenom roku, i to dana 15.02.2025. godine u 08:17 sati, putem e-maila dostavio Saglasnost na ispravku računске greške br. 106/25 od 15.02.2025. godine.
- da u ponudi ponuđača VEGA-PAK d.o.o. Sarajevo i GOLD MIGNON d.o.o. nije bilo računskih grešaka;
- da tokom postupka pregleda i ocjene ponuda niti jedna dostavljena ponuda nije ocijenjena kao ponuda sa neprirodno niskom cijenom u smislu člana 66. ZJN i člana 17. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15).
- da zaprimljene ponude ponuđača „LALA I LAČO“ d.o.o. Bijeljina, „Penny plus“ d.o.o. Sarajevo, VEGA-PAK d.o.o. Sarajevo, GOLD MIGNON d.o.o. ispunjavaju kriterije za kvalifikaciju, odnosno iste su prihvatljive u formalno-pravnom, ekonomskom i tehničkom smislu, ispunjavaju postavljene zahtjeve ugovornog organa definisane tenderskom dokumentacijom, ponude ne prelaze planirana, odnosno osigurana novčana sredstva ugovornog organa za predmetnu nabavku, te je navedenim ponuđačima dozvoljeno dalje učešće u postupku javne nabavke odnosno učestvovanje u predviđenoj e-Aukciji.

Tenderskom dokumentacijom u tački 4.13. predviđeno je provođenje e-Aukcije, te je Komisija u skladu sa članom 64. stav (1) tačka b) Zakona o javnim nabavkama („Službeni Glasnik BiH“ br. 39/14, 59/22 i 50/24), odnosno primjenom kriterija „najniža cijena“ i Pravilnika o uslovima i načinu korištenja e-Aukcije („Službeni glasnik BiH“, broj 80/23), utvrdila početnu rang listu ponuđača, te u sistem e-nabavke unijela sve prihvatljive ponude, kako slijedi:

Red. broj	Naziv/ime ponuđača	Početna cijena u KM bez PDV-a	Rang
1.	Penny plus d.o.o. Sarajevo	292.773,16	1
2.	GOLD MIGNON d.o.o.	298.079,20	2



3.	VEGA-PAK d.o.o. Sarajevo	299.135,00	3
4.	„LALA I LAČO“ d.o.o. Bijeljina	302.592,65	4

U skladu sa Pravilnikom o uslovima i načinu korištenja e-Aukcije („Službeni glasnik BiH“, broj 80/23) održavanje e-Aukcije na Portalu javnih nabavki BiH zakazano je za ponedjeljak, 24.02.2025. godine sa početkom u 09:00:00 sati. E-Aukcija je uspješno završena dana 24.02.2025. godine u 09:16:00 sati, nakon čega je Izvještajem o toku i završetku e-Aukcije, koji je preuzet iz sistema e-nabavke, Komisija sačinila konačnu rang listu ponuđača koji su učestvovali u e-Aukciji, kako slijedi:

Red. broj	Naziv/ime ponuđača	Konačna cijena u KM bez PDV-a	Procenat umanjenja ukupne ponuđene cijene nakon završene e-aukcije	Rang
1.	GOLD MIGNON d.o.o.	230.700,00	22,6% **	1
2.	Penny plus d.o.o. Sarajevo	239.760,00	18,11% **	2
3.	VEGA-PAK d.o.o. Sarajevo	270.000,00	9,74% **	3
4.	„LALA I LAČO“ d.o.o. Bijeljina	300.000,00	0,86% **	4

** Označava približnu vrijednost procentualnog umanjenja nakon zaokruživanja na dvije decimale

Uvidom u priloženu dokumentaciju i Izvještaju o toku i završetku e-Aukcije nesporno je da je ponuda ponuđača Gold Mignon d.o.o. Sarajevo prvorangirana, sa ponuđenom konačnom ukupnom cijenom u iznosu od 230.700,00 KM bez PDV-a.

U skladu sa naprijed navedenim, Komisija za javne nabavke, dala je preporuku direktoru ugovornog organa da, u skladu sa članom 70. Zakona o javnim nabavkama BiH, donese Odluku o izboru najpovoljnijeg ponuđača Gold Mignon d.o.o. Sarajevo u predmetnom postupku javne nabavke.

Izbor najpovoljnijeg ponuđača izvršen je u skladu sa Zakonom o javnim nabavkama, podzakonskim aktima, tenderskom dokumentacijom i internim aktima.

Komisija ugovornog organa, u skladu sa naprijed navedenim, dostavila je direktoru ugovornog organa Zapisnik o pregledu i ocjeni ponuda, te prijedlog o izboru najpovoljnijeg ponuđača u predmetnom postupku javne nabavke.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. Imajući u vidu navedeno, a u skladu sa članom 64. stav (1) tačka b) Zakona o javnim nabavkama, odlučeno je kao u dispozitivu Odluke.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi BiH putem ugovornog organa, najkasnije u roku od 10 (deset) dana od dana prijema iste. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama BiH.

Prilog: Kopija Zapisnika o pregledu i ocjeni ponuda broj: 309/25 od 24.02.2025. godine.

JP „LOKOM“ d.o.o. Sarajevo

Direktor

Adnan Šabanović

Dostaviti:

1. „LALA I LAČO“ d.o.o. Bijeljina,
2. „Penny plus“ d.o.o. Sarajevo,
3. VEGA-PAK d.o.o. Sarajevo,
4. Gold Mignon d.o.o. Sarajevo,
5. Službena stranica Preduzeća,
6. u spis predmeta JN,
7. a/a.